

Broj: 06-02-4-2075/25
Mostar, 12.01.2026. godine

Primijeno: 16.01.2026.			
Org. jeb.	Broj	Priloga	Vrijednost
051	- 02 -	763	/25

Bosna i Hercegovina
Federacija Bosne i Hercegovine
ZASTUPNIČKI DOM PARLAMENTA FEDERACIJE BOSNE I HERCEGOVINE
n/r gosp. **Damir Nikšić, zastupnik**

PREDMET: Odgovor na zastupničko pitanje zastupnika Damira Nikšića, dostavlja se -
Veza: Akt Vlade Federacije Bosne i Hercegovine broj: 03-04-908-19/25 od
22.12.2025. godine

Federalnom ministarstvu energije, rudarstva i industrije (u daljem tekstu: Ministarstvo) dostavljeno je aktom Vlade Federacije BiH, broj: 03-04-908-19/25 od 22.12.2025. godine zastupničko pitanje uvaženog zastupnika Damira Nikšića, a koje glasi:

„Da li su Vlada Federacije i nadležna ministarstva informisani o trovanju lokalnog stanovništva u Varešu, tj. da li su i koje su mjere poduzeli u ovom slučaju?“

Obrazloženje

U Varešu je zabilježeno prisustvo olova u krvi kod 44 osobe različitih generacija, dok kod 17 osoba vrijednosti zahtjevaju hitnu medicinsku reakciju. Iz Doma zdravlja Vareš upozoravaju da lokalne institucije nemaju kapacitete da same odgovore na ovako ozbiljnu situaciju te naglašavaju potrebu za sistemskom analizom krvi cjelokupnog stanovništva šireg ugroženog područja, a ne samo onih koji žive u neposrednoj blizini deponije jalovine rudnika u selima Pržići i Daštansko.

Prema dostupnim informacijama, analiza vode nije pokazala prisustvo olova, što dodatno pojačava sumnje da je izvor zagađenja u zraku i prašini, naročito onoj povezanoj s transportom rude i jalovine. Radi se o ozbiljnom riziku po zdravlje ljudi i okoliša, koji zahtjeva hitno uključivanje nadležnih institucija na svim nivoima, potpunu transparentnost prema građanima, nezavisna mjerenja i procjene uticaja na zdravlje, kao i odgovornost svih aktera uključenih u rudarske aktivnosti.“

Ovim putem, a u skladu sa članom 116. stav 3. Poslovnika o radu Zastupničkog doma Parlamenta Federacije Bosne i Hercegovine („Službene novine Federacije BiH“ br. 69/07, 2/08, 26/20 i 13/24), dostavljamo odgovor u vezi sa postavljenim pitanjem uvaženog zastupnika Damira Nikšića.

U skladu sa članom 7. stav 2. Zakona o rudarstvu Federacije Bosne i Hercegovine („Službene novine Federacije BiH“ broj 26/10) Ministarstvo ima

nadležnost nad upravljanjem mineralnom sirovinom koja je predmet zastupničkog pitanja, a nadzor i kontrolu nad izvođenjem rudarskih radova vrši Federalna uprava za inspeksijske poslove – Federalni, rudarsko, termo i elektro-energetski inspektorat. Dozvole za izvođenje radova koje donosi Federalno ministarstvo energije, rudarstva i industrije su donesene u skladu sa članom 43. Zakona o rudarstvu Federacije BiH kao i da iste posjeduju važeće okolinske i vodne akte izdate od nadležnih organa.

Kada je u pitanju incident koji se desio u Varešu, ovo Ministarstvo nije zaprimilo nikakvu službenu informaciju o trovanju olovom lokalnog stanovništva u Varešu ali je o istom upoznato putem sredstava informisanja. Nakon saznanja ovo Ministarstvo je kontaktiralo Federalnu rudarsko, termo i elektro-energetsku inspekciju koja je izvršila nadzor privrednog društva DP Metals BH d.o.o. u periodu 22.12.2025. – 24.12.2025. godine i o istom sačinila zapisnik i na osnovu istog će donijeti Rješenje o mjerama koje je potrebno poduzeti i otklanjanju nedostataka ukoliko ih bude. Također, prema raspoloživim informacijama osim rudarske inspekcije na teren su izišle vodna i okolišna inspekcija kako bi izvršile uvid na licu mjesta.

S poštovanjem,



Dostavljeno:

- Naslovu
- Ured Sekretara Zastupničkog doma Federacije BiH (na znanje)
- Generalni sekretarijat Vlade Federacije Bosne i Hercegovine (na znanje)
- evidenciji
- a/a